

中华全国图书馆

文献缩微中心



山西省图书馆 摄制

**1989**

原件收藏

山西省图书馆

原件书号

25091-100

原件状况

原件有部分有污迹

原件个别地方破损

原件个别地方字迹模糊

[乾隆]長治縣志二十八卷首一卷末一卷

(清)吳九齡修 蔡履豫纂

清乾隆二十八年榮暉堂刻本  
十冊

本部书共摄制

2 卷

1. 首一卷卷一至卷十二


2. 卷二十三至卷二十八末一卷

版权所有

不准复印

# 本部书开始

本片卷含：首一卷卷一至卷二十二



序  
長治為潞郡首邑在  
省東偏吳令宰此者  
閱五年矣余恭膺  
簡命旬宣是邦每於晤接  
時詢及邑中利弊類

山西省圖書館  
地方文獻

01460

(25091)

皆洞達源委區畫攸  
宜其猶有歎然不足  
於心者謂邑志近百  
年未經修輯將來漸  
不可考是所隱憂余  
曰誠然蓋人臣際

聖朝膺民社凡一邑之醇  
風美俗苟能畱心纂  
組信於今而傳於後  
使士民有所觀感非  
當托之空言也今甫  
越五月令即刻期勒

為成書並持以丐序  
於余余觀其編列之  
模式考覈之宗旨莫  
不井井有條左之富  
遷之潔一部之中蓋  
兼致意焉是誠足以

昭

聖世化成之令典備太史  
輶軒之採擇亦即此  
足以徵令之賢又豈  
一邑之光已哉敢畧  
一言以為弁

大清乾隆二十八年歲在  
癸未夏六月之望

欽命山西承宣布政使司  
布政使加三級文綬  
撰於晉陽官署



長治縣志序

粵若俗美風清則文明有象  
宣猷贊化則遐邇為先余奉  
命來晉列座烏臺問諸昔人云其  
其使天下無冤民不如民自不  
冤者之為得維盛世不廢科  
條而所以引之向化者要自有  
道願與余諸屬吏夙夜黽勉



共體此意也計自蒞任時綜理  
案牘惟長治令吳名精詳平  
允顏能留心民瘼又聞長治其  
長子錯壤向多愚民妄聽邪  
說客秋按臨稽察將除莠以  
安良夾城道路間纍纍若稱  
紳君善政嘖嘖不休及考其編  
審之法論教之方久已禁於未然

以杜其非辭之念其或行踪稍  
涉偏跛者務嚴究焉而卒心  
無奸宄陋習乃知吳君非但留  
心民瘼實乃心於興民之行者  
今年夏來謁余手持其勸修  
邑乘以進展閱一過如見勤勞  
民事之苦心其大過必書者且  
即三叛人名之遺意也其細行

必錄者是即微而顯善欲長  
之遺意也以信今傳後之文為  
勅善痺惡之具則所以引之  
向化而使民自不冤者其道又  
孰有大於此哉嗟乎轉移風  
俗如吳越者以此之治長治可  
也即不獨治長治可也余  
乃善而為之瘡

時

乾隆癸未暑月

欽命山西按察使司按察使新  
授山東布政使司布政使  
關中省齋梁耆鴻具稿



長治縣志序

予屬潞郡之附韻令吳君  
宰長治五載育奇夙著賢  
轂如脩黌宮平糶買建設  
書院義塚諸務其共知者  
也姑勿殫述今率正初乃  
舉邑乘而重輯之予即以  
是徵吳君之治效焉夫育

司一官弁民家親自下車  
後利之當興者幾何弊之  
當除者幾何撫字勞心固  
不暇遽謀諸稼粟今且遲  
之久遲之又久始開局纂  
脩則其行政之綽有次第  
亦足以見其大凡矣且論  
志乘於長治尤有甚難焉

者靈變以壽總韶可知而  
郡國無考自商周至後周  
隋唐宇金元始專有上黨  
縣之名而中間五代隔越  
亦無縣邑可考自明初省  
上黨入潞州又漸以潞州  
陞府而始置長治志內各

條過詳則濫過略則簡欲斟酌於疑似之間而毫無遺恨蓋其難也又舊志修於康熙十二年既以共革始休曰陋就簡而繼此九十年中更無一續筆者苟非大爲搜羅以精其採取則非失之於草率即仍失之於缺漏此又其難也際此二難將求一是必需之歲月始克有功茲者吳君之志實脫稿於本歲之仲夏而無美不備難者反覺其易抑獨仰哉迺知吳君非獨能吏實循吏也前此留心於政即爲修志之本

後此成功於志卽以紀政  
之實政之行也五越歲而  
不爲緩志之成也五越月  
而不爲速予蒙

特簡觀察冀寧等處肅令之賢  
如此彼都人士所由公戶  
可叔而百室盈止也所云  
庶績咸熙者茲之謂也所

示靖共爾位者亶其然虜  
迺即以是序之用爲

### 聖世官聯之慶

乾隆二十八季歲次癸未

荷月旣望

分守冀寧道管驛傳事轄

太潞汾澤四府遼沁平

三州加三級佟琳習之

氏書於榮暉堂



重脩長治縣志序

易繫書契代結繩而百官以  
治萬民以察禮載太史陳詩  
以觀民風又為市納價以觀  
民之好惡後世志乘之設不遺  
於是其所以一道德同風俗者  
蓋取諸此是故郡志者縣志之  
綱也通志者郡邑志之綱也凡

皆

聖天子大一統之節日也我

皇上御極以來二十八年中揆文  
教而奮武衛一本聰明睿智  
之運量禮明樂備仁漸義  
摩玉門關外二萬餘里之遠  
莫不傾心向化盡入版圖區  
區長治一邑久在揆風沐雨

之內被美利於不亡者有順

帝則於不知而已九齡邀

聖王之殊恩叨

上憲之指示得以備員有司諸  
惟矢公矢慎期仰副休明之  
盛治乃查邑志自康熙十二  
年海久未續脩激持遙  
數十年間制度之所釐定風



會之所建承科目仕宦之有  
關於文物忠孝節烈之有闕  
於名教者一切難盡憑記憶  
印在已登梨棗者其字點滅  
沒已十之三四又况舊志之脩  
在明季兵燹之後書籍散軼  
雜稽因早屬不醇不備者哉  
此誠非可以因陋就簡者也

客歲冬邑人又亟以脩志為  
請始面陳其事於郡中憲  
史翁許取邑志而重輯之夫  
脩文脩意固需通有衆長而  
傳信傳疑非可獨憑己見回  
於城內蓮花池梵宇間館遠  
延名下士登邑中縉紳耆舊  
共襄厥事或為分脩或為參

或採訪集錄或繕寫編訂  
或監理一切諸務罔不同心協  
力而九齡凡有見聞及意識所  
至必公諸同志一斟酌損益  
焉原其幾凡起例大率以通  
志為宗然後參以郡志舊志  
考諸正史而釐辨之此文字其  
舊存者也至依前有之項而續

入目前未有之項而新增者則  
先稽之於成案以準之於碑文  
或得之於訪聞或得之於舉  
報者尤必廣為諮詢以求其實  
惟風流大雅未敢妄比於古人  
而矜慎小心竊恐蒙欺於來者  
乃以九十年未經纂輯之典章  
事實一旦勒為成書而其所徵覈

編列較舊志規模特為詳悉庶  
幾一邑之光系乎非是舉也將  
何以存掌故之源流備輜軒之  
採擇發潛德之幽光咏勸嗇  
之弗倦於以黼黻

皇猷輝煌

聖治而見窮簷蔭部屋秀頌靈春  
潛字默化於太和之宇宙也

哉是役也實始於孟春之朔六  
日脫稿於季夏之十五日其或  
有未備者則一以年湮人遠綜  
覈無回一以九畝遷次伊邇竊  
願日學告成之故留質後之  
君子尚其少鑒私衷若夫資  
斧劑劑之費則出於九畝與邑  
人捐脩學校之餘謹述顛末以

弁諸簡端云

時雍

乾隆二十八年歲在癸未  
季夏之吉沐陽吳九齡序於  
上黨宦舍



原序

古帝王奄有天物統一區宇必徵千百國之圖籍而  
著爲典則以昭同風之盛於是乎有志志者紀也凡  
星野之分躔疆域之險易風俗人心之淳澆戶口版  
籍之興替上而紀綱文物之大下及鹽筴絲粟之繁  
靡不備紀之者紀其事也亦紀其理也紀其事者足  
以觀處常處變之謨紀其理者乃以成可大可久之  
業也余以楚人授晉上黨令夫上黨固天下之雄鎮  
也山川高險人物勁直史志之矣民多儉樸而力農

長治縣志 卷之四  
士尚氣節而務學且職思相戒好樂無荒陶唐氏之遺風猶有存者余因其地而治之因其民而教之兢兢乎寡過之未遑又何能更變舊章而蔑視先典也哉然而時異則事蹟必紛六年之間時和年稔廢者興闕者補凡地方之事網舉而日張之慨然於邑乘之未盡備也適奉有纂修縣志之檄爲之博考典籍昭示章程諮訪聞人叅訂全史俾數千年之人之事瞭如觀火其大書特書比事屬詞而書志邑也或無關於邑而不書志法也或無關於法而不書其微辭

與義所以鑑往古而詔來茲者於以釐正紀綱潤色政治豈僅摛辭炫藻馳騁於風雲月露而已哉雖然志可言也史難言也春秋紀事也而二百四十二年之筆削紀約而志詳尚書紀言也而典謨訓誥之外止費誓秦誓茲志也不特可以與之摭實可以與之觀變而異日者準古酌今衡量上下以之補偏扶弊立懦廉頑裨太史之所未備實史之也寧志云乎

康熙十二年七月既望

賜進士出身知長治縣事前任陝西鞏昌府推官楚武昌

長治縣志 卷之四  
姜愷西巖甫題於縣署之樂善堂

原序

周官以太史內史掌六典八枋而小史掌邦國之志  
外史掌四方之志志卽史也自郡縣而後各自爲志  
然以文而觀變非以文而撫實故星野之訛正上田  
之荒墾戶口之盛衰民風之淳駁文獻之興替使人  
疆而問政省方而觀俗者得以鑑行古而詔來茲焉  
長治本潞州地自晉州爲府而縣始附於郭則今日  
之志縣猶夫曩昔之志州迺星野土田戶口民風文  
獻明世宗而前其事則與府志相表裏明世宗而後

雖星野如故也土田如故也而百餘年來版籍有登  
耗風氣有變遷人文有升降牧茲土而生茲地者始  
有以觀其變而考其成我邑

侯西巖姜公文章吏治自節推成紀時業已著有譽聞  
迨移牧茲邑彫瘵之餘一意休養勢殊則更張易起  
使非有至理以主持風會之原亦安能窮變通久行  
之百世而無弊耶是故星野猶故也其何以瑞應於  
補祥疆域猶故也其何以奠安於磐石風俗人心已  
不逮於古初何以使之渾厚而淳良尸口版籍已有

間於今昔何以使之生聚而繁庶綱紀必肅文物必  
彰當爲之釐定而振興焉鹽筴須均絲粟須節當爲  
之衡量而調劑焉凡此者大經大法固有師於前謨  
而抹弊補偏實有藉於後起也今

聖天子崇尚文治勸天下郡邑之志命儒臣纂脩聿成一  
統之盛矣長治爲上黨名邑徵文考獻必先焉余爲  
博採遺文旁搜故實集諸碩於一堂而叅訂之刪繁  
就簡援古籍今綴輯成編付之剞劂非以標奇絢綵  
塗飾觀聽大亦曰紀其事也紀其理也紀其事爲處

常處變之漢紀其理爲可大可久之業請以獻之  
朝宁質之薄海諸君子焉是爲序

賜進士出身奉政大夫提督陝西通省學政提刑按察使  
司僉事陞任候補叅議前戶部河南清吏司郎中山  
東清吏司員外郎工部都水清吏司主事邑人呂和  
鐘撰

原序

今天下自國都迄郡邑罔不志志罔不嗣脩一者補  
國乘所弗備一者緣時會之流造無好新懼其壅塞且  
懼其放失也惟然故紀載無遺遐僻而似續前人之  
事不可以已長治之志始成於嘉靖中距今百餘載  
戊申歲脩於前令君昆沙于公癸丑再見脩舉或有  
以補

國乘之一  
夫作未有者曠歲替而述已事者亟年  
時說者疑焉顧天下之事開於始而備於既儉於拓



長治縣志  
卷之十  
基裕於承委周自有部肇封歷邠劉祖緝及季歷于  
襪綿遺文昭武穆代謝也然三百風雅始於二南邠  
鄙以下大都爲攸同思服繪盛其反始維初纔七月  
數章耳蓋運以流而日降風以積而日升有由然矣  
邠侯姜公以進士宰長治循聲雅振茂譽時騰仕路  
稟其章程人倫奉爲冠冕當簾靜晝永優游就琴調  
之餘取乘而重討之殆百廢俱興之一事也時物遷  
變金石俱泯邠自推移賢愚同腐邇有其不朽者存  
貫通精氣之微藏用經術之際因情立制隨勢成用

以統坊表何以遽有變吏官帥表率何以各自奮勵  
人才何以使振興制賦何以使均利風軌何以可樹  
典型文章何以足稱華國雖謂神而明之存乎其人  
要不失大同至公之見以彰所不逮至於荒烟蔓草  
剗垣古塚一經俯仰感慨係焉以及旌節烈亦載奸  
頑而勸戒以之凡此者博稽往蹟彈著新猷窮變通  
久有不得不然之勢經畫區宇斟酌古今無二理也  
奚啻新一邑之耳目已哉是役也脩較鐫刻工費出  
姜公之捐貲不動官民半緡是以一歲規千秋之業

其垂惠我長治更悠且久矣宜並書

康熙十二年菊月既望

整飭湖東分巡溫處兵備道浙江提刑按察司副使  
前山東萊州府知府工部都水清吏司郎中邑人萬  
代尙拜撰

原序

今

上繼承宏業薄海內外悉入版圖廓然大一統之治矣迺  
聰明天縱猶開經筵講學以繼堯舜禹湯文武之道  
余職忝補衮躬逢盛事思出燭火以翊日月之光然  
以大一統之治必須覽一統之書懇懇具疏陳請隨  
命下十五國徵之長治邑侯西巖姜公鳴琴常暇取邑乘  
力任修纂書成而達部上之

天子卽以遺稿付剞劂氏焉事竣走使携志問序於余拭

凡讀之典重一方光照隣國則見肘京洛而履蒲津  
倚太原而跨河朔上黨之雄勝如故民多儉質而力  
農士尚氣節而務學陶唐之遺美猶存使非有今日  
之宰治維風者何以山河不改政教常新也哉取鑒  
前模洞悉時弊志建置則思恪官奉職志土地則思  
固本寧邦志戶口則思老終幼養志田賦則思斂薄  
輸輕且志蠶政則蚤夜恒維減課志貢篚則杼軸每  
嘆其空未已也振興忠孝節烈之徽氣橫昂畢發揚  
風竊碣石之逸輝映行漳言言樹長畫其於利疚臧

否因革勸戒之尚無不周詳諄切寧獨編年載月觀  
天察地紀物叙事續古接今一一有體也乎余讀竟  
不禁喟然曰漢推良史選在孟堅晉重名儒任先宏  
度知公之富二西擅三長傳信筆非敢佞筆志也即  
史也真足爲

聖天子明目達聰之助以永扶大一統之治洵不負余疏  
請之初心云故樂爲序以著簡端

昔

康熙癸丑陽月穀旦

賜進士出身光祿大夫

長治縣志 卷之四  
保和殿大學士少師兼太子太師戶部尚書曲沃衛周祚

文石甫撰

原序

善治者不擇民猶善將者不擇旅也民俗之不能不古而今也志書之不得不踵事而增華也時爲之也蓋有一方之規制卽有一方之風土文章與

國運相爲倚伏賢士大夫應運而興相與敦說耕讀崇禮讓儉勤之懿毓忠孝節廉之範良司牧又加扶進而長養之民風遂蒸動而昌焉如山之有色水之有波花之有態月之有光俾採風之使樂爲諮詢而拜手颺言于

聖天子之庭可謂人以地重地以人靈矣長治創自明之  
嘉靖十年因青羊寇氛蕩平而後朝議遂改州爲府  
設縣附郭是時草昧初闢百務未舉縣志未由成輯  
越五十餘年前令新野馬君欲討論而修飾之時有  
儒紳李裕州者共之綴輯舊文力董其任適馬君銓  
陟部曹抱牘鶯遷未竣厥事繼而鉅鹿張君於萬曆  
戊子歲續纂成帙傳流至今蒞斯土者代不乏人非  
逐逐于征輸卽鹿鹿于手版莫獲肆志于披羅叅訂  
之功遂貽缺典迄

四朝定鼎以來前以辛丑秋抄銓授巖邑見此邦土厚  
天高其山嵒岌以秀起其人磊落而英多維士與女  
伊其淳樸而篤謹雖數罹兵火元氣浸弱猶有陶唐  
氏之遺風焉顧以六載苦吏撫殘恤荒間嘗攬勝標  
奇力有不逮然蓄念修舉終難寢閣乃披檢舊籍褰  
裳問俗去張山屬稿而後者八十年于茲其間損益  
興革不無代遷喟然曰是集也余雖不敏何敢辭其  
責哉爰加討校凡疆域而得其險易建置而得其安  
危秩官而得其理亂風俗而得其正淫人材而得其

盛衰戶口而得其消長賦稅而得其盈虧要以法惟  
其嚴義取乎確庶幾一方之規制與夫一方之風土  
文章燦若指掌效鵞王之測水乳罔象之探明珠凜  
凜乎貪功倖名之是懼未敢擬古人霜雪以礪之春  
陽以膏之媿非龍泉之鋒而以試毛又何緣辱此名  
區也敬編成帙若干卷條分縷析付諸剞劂用備採  
擇以俟後之君子文其闕畧而廣其傳余楚人也得  
毋謂蒙莊屈宋之後追乏良史耶是爲序

昔

康熙六年歲次丁未菊月立冬日之吉

三湘守公允容駟甫題於潞子園署之燕澆堂

原序

序曰版圖齒錯皆古后王司牧政教之所維植者也  
無政教則土域爲虛器然無文獻而政教之端亦熄  
郡縣之志固非要與長治潞首縣置自前朝嘉靖初  
萬曆中故令馬張二公始立有志抵今未百年地經  
變革元氣消削

皇朝統壹二紀瓌墜釐舉百度聿新則令君星沙于公功  
也公豐于才茂于學昔余奉

使祀岳識之于湖南及蒞長治數年政教之實著于遠

長江縣志 卷之十  
通曰廉而惠練以敏蓋余還山以來頗疑鄉國之政  
教弗往若而獨得一公卓卓乎耿耿乎庶幾所稱三  
不負矣哉戊申歲首乃獲公所修縣志讀之并手書  
欲得余言爲序噫余之言亦曷足重公如公者誠足  
重吾言耳按志體格詳整考究精覈于田賦徭役諸  
大務登載必晰鹽筴織筐二端尤厯長慮焉其他指  
陳倫貫靡巨靡細皆公所嘗蚤夜盡心者狀使非其  
政教之善與才學之優克溢而畢齊疇克爲之滿志  
而無遺缺若是是攷斯志之美余曷敢蔽諸亡論一

昔光照鄰國卽以施之于後中村之長吏稽而守之  
宜無失職焉然則公之所爲不特冠今鄉國有司而  
千百世牧長治者之師模也爰不辭固陋而爲之序  
昔

康熙七年人日丙午原任刑部尙書致仕陽城迺家  
鄒治生白允謙拜撰



原序

皇清車書統一百度鼎新亟欲得良有司而用之爲吾民  
解嘆息愀苦聲故綜核吏治倍於他曹銓法以籤選  
示公至郡邑繁簡才品優劣聽之時數而人地相左  
破犁倚轅者幾於墨突不黔卽所稱才長製錦不過  
畢智能於錢穀簿書間幸道考功法足矣求其脩文  
考獻昭示來茲者蓋寥寥焉星沙子侯爲長治宰惠  
化淪洽民物熙恬鳴琴之暇游藝於牙籤縹帙之間  
取邑乘而修飾之問序於余余惟邑之有志猶十五

國之有風也在昔分土而治各以其俗貢之天子自  
封建之制廢薄海凜於一尊山川繡錯內外相維總  
歲一遣使大指殿最屬僚而於民風無與况復皇華  
無賦不去古逾遠哉所借以明分壘記災祥攷沿革  
稽賦役紀政治得失鏡人物臧否惟邑乘是賴于侯  
之亟亟於此役深有見也考昔子長之天官孟堅之  
地里茂先之博物等書各以顯家名篇今取徑寸簡  
策上下數千年延袤數百里統三才之用條分縷析  
非淹貫邱索鎔鑄天人備作史之三長者未易勝仕

而愉伊也于侯之治長治凡六載矣資序獎薦俱符  
令甲不必鷓鴣下灘已知承明虛左則是邑之社稷  
神祇是侯之齋明盛服所昭事也邑之山川土田是  
侯之褰帷露冕所巡歷也邑之風俗人民是侯之開  
誠布公所訓迪也故此志不成於叔度來暮之日而  
成於公備誰嗣之昔蓋詳且存也誰謂左狐史才龔  
卓治蹟致歎於難兼也哉昔尼父學禮夏股之後杞  
宋無徵垂此志於百千禩後茲斯土者稽躔緯之正  
變土墜之饒瘠戶口之盛衰因時補救踵事增華悉

於是編得之侯之遺愛巖疆畏壘尸祝政靡有涯也  
曩予備兵天津識侯於鞅掌河官之日今暨循績于  
維棗余自許爲知人侯以楚才晉用出其緒餘立德  
立言兩稱不朽且遠徵鄙詞無異嗜痂余亦忘其固  
陋抱布鼓而過雷門侯之知言與否請質之上黨諸  
君子

康熙歲在戊申端月之吉

賜進士出身中憲大夫原任整飭天津兵備道山東按察  
司副使前內翰林宏文院編修沁水張道澁題

參訂舊志凡例

一長治附郭之邑郡之所統縣無與焉者法不得書至  
但有關於縣者不得以其統於郡而畧之亦正以見  
其爲附郭邑也參摭舊存縣志府志並雍正十二年  
所修省志準諸正史旁及遺文詳稽往昔備錄今時  
乖舛失當者時折衷焉深慮見聞之或訛貽譏於博  
雅君子

一首列圖簡以便觀覽舊志缺星圖今特參考諸書補  
入至於圖郡治以明統馭圖縣治以明疆域圖學校

以明教化圖景蹟以表形勝皆仍昔人之意而新之  
城郭廟社歷歷具在目中雖古今沿革盛衰亦自居  
然可見

一城池公署學校書社堡市不論廢興遷改必蒐羅載  
籍詳記舊址非徒存繼往開來之思亦以見今昔制  
作不同之大畧

一祠祀首壇廟次寺觀止書其在境內者有其舉之莫  
或廢也變遷成毀盡收不遺惟正其謬訛耳此項專  
錄舊志非奉文建設者不敢增入

一田糧戶口徭役以及鹽法潞紬舊志分列不加詳介  
志合修不少畧統貫之口賦役要使古昔並規今時  
良法有資治理者按籍可考聽當事之採擇已也  
一官師著籍一時垂休奕禩顧載籍湮沒不可得而悉  
知然亦不敢委諸祀宋凡遺編斷簡有實可據卽委  
吏乘田不沒其善亟爲登錄至近代循良雖未敢遽  
加評騭其良法美意必隨事而書以俟後賢之尙論  
焉

一古今人物當擇其品惟選舉則不可擇故首志歷代

科目之可考者至其超出羣倫足垂不朽則不必問其科名或載籍列其名或鄉黨稱其善亦收入人材之列若夫忠烈孝義維植天常而爭光日月其功豈在名卿碩輔下哉顧文苑隱逸亦當以次論列總以類聚羣分俾得共觀於昭曠之途耳

一陵墓爲人道已畢似可無書不知屈在封域者若前代帝王及大聖名賢與夫翊世而勲伐茂著抱節而高蹈孤正將與乾坤爲終始足以動人似洞濶而思者寧有既哉誰得而泯滅之若其生前原無嘉言

懿行傳譽後人則墓木雖拱止可作傷心殫露之歌安得槩爲記注

一物產惟志其土之所出者九壤八方各有畛域若乃珍禽異草非其有而取之市名飾誣苟以傳信虛橘下樹皆獲譏焉故與氣候核實並志凡有政教裁成之責者可以因地制宜矣

一藝文浩繁不能盡收詩賦贊歌間有短章詞氣相連者隨事卽注若夫金石遺文及古今著述取其有神觀感便於覽勝者稍稍採錄以示體裁以備稽考焉

纂修邑志例言

一凡志書多先列地圖次論星野而以星圖附之今以其皆爲圖也並列於前且先星圖次地圖蓋按照天尊地卑之意且亦有所做做非臆爲之

一今所列經星圖與郡志相做但郡志原未列有觜觿圖而分野內語亦引人蓋觿在參右參差相連非若他星前後不爽測度者可由觿以至參亦可由參以至觜故二星前後占驗者時有更定今以觜參二星俱介昴畢井鬼之中故增圖以備參考

一郡志亦載有樞星圖而未列天市垣圖女星圖金水  
二星圖今照省志繪入又此四圖不在分野內論故  
列於其後

一沿革以考廢興得失舊志首列沿革其文最畧而以  
坊都鄉約保甲鎮堡舖遞附之亦似不類茲遵通志  
義例獨標沿革顛末內列地表其餘坊都鎮堡舖遞  
詳疆域內鄉約保甲詳賦役內庶覽者得因類考焉  
一疆域志境內遠近夷險乃地理之大要也舊志止存  
疆域形勢二論而節目不詳茲折衷通志府志首詳

縣界次城池關隘舖遞次坊都村鎮市集而以舊論  
附於其後

一山川乃地靈秀氣所鍾故各志書皆另列一項而古  
蹟又多因山川而著所謂江山留勝蹟我輩復登臨  
也故於山川後次及古蹟又津梁既備則行人跋涉  
不苦山川間隔皆得因類而及

一學校一事所係匪輕其中文物典章皆諸生所宜嫻  
習者自非一一詳載或恐有志之士欲稽考而無從  
良非乖示之意也舊志僅列廟制書院社學修創顛

長江縣志 卷之四  
末今將廟中大小儀文禮器併各項田畝備悉列之  
亦卽器見道之一助耳

一 凡志多分田糧爲一門戶口爲一門今照賦役全書  
并爲一項仍先賦後役焉

一 兵制武事舊志不列以其統於郡也然足食足兵而  
民信爲政之要存焉有司爲親民之官縱不得有兵  
權究不得諉於不知也照通志郡志準諸現設制防  
補入

一 職官以縣屬爲紀不及其餘者非所統也至縣治附

郭郡城各署無論廢興遷改必蒐羅詳記以資考鏡

云

一 名宦自初設縣治時列有五人名目以後全無定案  
可紀因博採以備參稽非好煩也又長治原屬潞州  
其先又爲上黨縣而郡州縣之名互有更張則追溯  
淵源由來自不可沒故於未定長治縣名之先則統  
紀之縣名既定之後則專列之

一 通志人物一項內更列孝義文苑隱逸諸目蓋舉其

一 節之尤著者言之今倣其式而又列忠烈一條亦



因其所處之難所遭之變故特爲提出至於羣材一條乃因郡志邑志之舊不欲棄其長也故仍之

一選舉人物類多互見必取夫行實之尤著者而詳書之從重也於他處不再見省文也行實中字句有與舊志不同者大率從通志潞志中取書法較穩者折衷錄之其名次前後亦多本通志非故爲倒置也

一志中各項較前頗詳惟選舉人物列女三條恐有遺漏非盡當事者之疎也自前歲至今業經屢示又擇令老成諳練紳士徧行採訪務期潛德幽光不致終

歸埋沒無如九十年內人往風微文獻無徵或其子孫無知匿而不言良可慨也自此以往倘有能道之者卽當補入

一志內人物有錄其祖父或及子孫者皆志內所原有之人以備查考今仍舊志錄之考史書亦多有此書法非意制也

一選舉旣列科目復書年分皆照通志詳載觀者毋厭其後

一選舉以紀功名人物以紀事實間有事實不詳僅述

其可知者則列於選舉名下

志內有書上黨人或書潞州人者皆因地隨時製之  
故自嘉靖朝置縣後則不為贅汙矣

舊志藝文率以詩賦序記等名目分類而不分世次  
又自唐以前未列雙字今但以有韻無韻分列二項  
各列朝代有所補於舊志之前有所增於舊志之後  
亦間有去取於其中者恐書帙太繁也

一姜志之後越九十年其間軼事於考諸山西通志外  
凡有補入多出自潞志拾遺拾遺者邑人程之昭所

著書也前人有美無容掠取凡有所採則註見拾遺  
字

一前令姜志列序文五篇跋語一篇其前六年于今志  
內外序二篇今皆錄入不欲沒其淵源所自且先姜  
後于而以自序引其端俾閱者由後遡前以便觀覽  
至于令志序內所稱馬張二志已不可得而見之矣

長治縣志纂修銜名

總修

長治縣知

縣吳九齡

景文

江南溧陽縣

貢生

監修

長治縣儒學教諭張嶽拱

垣曲縣

舉人

長治縣儒學訓導馮儀鳳

蒲

縣

歲貢

督修

原任四川成都府知府嚴裕銓

景文

湖北孝感縣

貢生

纂修

揀選

知

縣蔡履豫

由安

湖芷夏縣人

舉

分修

候選訓導本縣歲貢生孫和

候選訓導本縣歲貢生閻克惠

候選訓導本縣歲貢生廉可旌

本學 李鵬飛

泰校

本縣舉人李鵬昇

本學 張天龍

本學 栗培根

本學 楊體信

繕寫

本學 員栗實

本學 員鄧士超

採訪

本縣監生王秉權

候選州判本縣附貢生宋溥淵

本學 武生申圖南

本縣監生王承業

本縣監生張珥

府學廩生本縣人王書紳

本縣學武生胡贊皇

外監局

長治縣署縣丞朱日辰 廣南海縣監生

長治縣縣丞吳麟 浙江山陰縣貢生

長治縣西火司巡檢商纘 浙江會稽縣貢生

長治縣典史張麟 山東泰安人貢生

抄錄 李梓

監刻 韓錫文

監刷 李棟

梓人 李炳

長治縣志編目

卷首

序文 · 原序 · 叅訂 · 例言 · 街名 · 編目

卷之一

圖說 · 繪圖

卷之二

里野

卷之三

沿革 · 地表

卷之四

疆域 城池 關隘 坊都 市集

卷之五

山川 古蹟 津梁

卷之六

學校 書院 義學

卷之七

賦役 鹽法 貨儲

卷之八

風俗 物產

卷之九

封爵

卷之十

兵制 武事

卷之十一

職官 公署

卷之十二

名宦

卷之十二

選舉

辟召

薦舉

科目

明經

仕途

卷之十四

人物

忠烈

孝義

文苑

隱逸

羣材

卷之十五

列女

卷之十六

富賢

遷移

卷之十七

藝術

卷之十八

仙釋

卷之十九

壇廟

寺觀

卷之二十

陵墓

卷之二十一

祥異



卷之二十二

藝文 自周至元

卷之二十三

藝文 前明

卷之二十四

藝文 本朝

卷之二十五

藝文 韻語自周至明

卷之二十六

藝文 本朝韻語

卷之二十七

事蹟

卷之二十八

雜志

卷末

後序 原跋

長治縣志卷之一

知縣事沐陽吳九齡景文甫修輯

圖譜

易繫六河出圖洛出書聖人則之河何爲而有圖也  
吳草廬之說曰馬負之也苟言乎馬負之也當包犧  
時有龍馬出於河其背有旋毛如圖卦畫之生皆由  
此出亦如洛之書卽龜甲坼文而九疇緣之以衍圖  
之說其昉於此乎則天文地理之有圖不尤其顯而  
易明者乎蓋當未有圖之先聖人早得其精意而既

有圖以來聖人卽因之以爲用仰觀俯察之中無非身心性命齊治均平之要道也顧安得並其圖而棄置弗遺乎抑嘗聞天文家言天之一度爲地一千九百餘里則潞安一郡以勾股法計算尙不及天之一度而圖之以胃昴畢參何也曰趙魏之星土也又圖之以井鬼柳何也曰上黨地分所入之次第也晉地大矣而潞澤平蒲當其西南偏或足當天之一度乎姑存之以備參考若夫欲周知天下戶口阨塞之數固非地圖不可然亦不過爲方輿廣輪計耳一圖所


列察其山川要塞相距不過徑寸其間已數百十里之遙阻險林叢不能盡著視之甚簡歷之甚繁太史公遊歷名山大川而其胸次益廣文思乃進豈僅執一地圖據以爲信而曰予固周知天下形勢者哉用爲按圖索驥者更進一說志圖譜

今所列經星圖與郡志相倣但郡志原未列有紫微圖而分野內語亦引入豈遺之卽顧甯在參右參差相連非若他星前後不與測度者可由甯以至參亦可由參以至甯故二星前後占驗者時有更定義見

後星野志內今以蕭參二星俱介昴畢并鬼之中故  
增圖以備參考

郡志亦載有樞星圖而未列天市垣圖女星圖金水  
圖今照省志繪入又此四圖不在分野內論故列於  
後焉

星分昴宿圖



星圖

三


丹元子歌曰昴七星秉實不少阿西月東各一星阿下  
 五黃天陰名陰下六烏菟葉營營南十六天苑形阿中  
 六星名卷舌舌中黑點天護星礪石舌旁斜四丁 昴  
 十一度下爲日月冲道天之耳目也明則獄訟平安和

畢宿圖



丹元子歌曰畢似爪父八星出附耳畢股一星光天街  
 兩星畢背旁天節耳下八烏幢畢上橫列六諸王旺下  
 四皂天高星節下圍圓九州城畢口斜對五車口車有  
 三柱任縱橫車中五箇天黃精橫畔咸池三黑星天關  
 一星車脚邊參旗九箇參車間旗下直建九旂連旂下  
 十三烏天園九旂天園參脚邊 畢十七度主街巷陰  
 雨天之雨旣也張衡云畢昴間二星曰天街三光之道  
 也明而定則安移動則霖潦街巷壅塞

參宿圖




丹元子歌曰參總七星觜相侵兩肩雙足三爲心伐有  
 三星足裏深玉井四星右足陰屏星兩扇井南襟軍井  
 四星屏上吟左足下四天厠臨厠下一物天屎沉 矣  
 十度上爲日月五星中道甘氏云參爲忠良孝謹之子  
 明大則臣忠子孝安吉又主權衡所以平理也

胃宿圖



丹元子歌曰胃星折足河之次天廩胃下斜四星天廩  
 十三如乙形河中八星名大陵北九箇天船名陵中  
 積尸一箇星積水船中一黑星 胃十五度天之儲藏  
 五穀之倉也明則四時和正倉廩實暗穀少有輸運


度入鬼宿圖






丹元子歌曰鬼四星方似木櫃中央白者積尸氣鬼上  
 四星是耀位天狗七星鬼下是外厨六間柳星次天社  
 六星弧東倚社東一星名天記 與鬼二度為日月五  
 星之中主死亡疾病甘氏云占以不明安共角動則賦  
 斂重徭役多政急人荒鬼哭鬼欲其忽忽不明則安故  
 喜暗

井宿圖



丹元子歌曰井八星橫河中靜一星名鉞井邊安兩河  
 各三南北正天鐫五星井上頭鐫上橫列五諸侯候上  
 北河西積水欲覓積薪東畔是鉞下四星名水府水位  
 東畔四星序四瀆橫列南河裏南河下頭是軍市軍市  
 圍圓十三星中有一箇野雞精孫子丈人市下列各立  
 兩星從東說闕丘兩星南河東丘下一狼光蓬茸左畔  
 九箇彎弧弓一矢擬射頑狼曾有箇老人南極中春秋  
 出入壽無窮 井三十四度在河中主泉水曰天井張  
 衡曰天之南門也主水衡事法令所取平法平則明

柳宿圖



丹元子歌曰八星曲頭垂似柳近上三星號爲酒亭宴  
 太醜五星守 柳十四度上爲天之中道張衡云柳爲  
 朱雀之嚙天厨宰也主尚食和滋味明大則豐暗則饑

饑

紫宿圖



丹元子歌曰三星相近作參彙紫王坐旗直指天尊卑  
 之位九相連司怪曲立坐旗邊四鴻大近并鉞前  
 觜二度在參之右角如鼎足形主天之闡明大則天下  
 安五穀熟隋志云觜觿爲三軍之候行軍之藏府主葆  
 旅收斂萬物明則軍儲盈將得勢動而明葆旅起張衡  
 云葆旅野生之可食者坐旗九星在司怪西北主別君  
 臣尊卑之位明則國有禮司怪四星在并鉞前候天地  
 日月星辰禽獸蟲蛇草木之變與天高占同

樞星屬潞圖




北極五星在紫微宮中一名天樞一名北辰其紐星爲  
 天之樞也天運無窮三光旋繞而極星不移故居所而  
 衆星拱北斗七星第一曰天樞石氏曰天子之象以居



丹元子歌曰下元一宮名天市兩扇垣牆二十二當門  
 六角黑市樓門左兩黃是車肆兩個宗王四宗人宗星  
 一雙亦依次帛變兩星屠肆前候星還在帝座邊帝座  
 一星常光明四個微芒宜者星以次兩星名列肆斗斛  
 帝前依其次斗星五星斛是四

女分諸國星主山西圖



丹元子歌曰四星如箕主嫁娶十二諸國在下陳先從  
越國向東論東西兩周次二秦雍州南下雙雁門代國  
向西一晉伸韓魏各一晉北輪楚之一國魏西屯楚城  
南畔獨燕軍燕西一郡是齊鄰齊北兩邑平原君欲知  
鄭在越下存十六黃星細區分五箇離珠女上星敗瓜  
珠下瓠瓜生兩箇各五瓠瓜明天津九箇彈弓形兩星  
八牛河中橫匹箇奚仲天津上七箇仲側扶箱星

山西得金水二星圖

○木白

●辰

太白金大臣其號上公也大司馬位候此晉灼曰常以  
正月甲寅與熒惑星出東方二百四十日而入入四十  
日又出西方二百四十日而入入三十五日而後出東  
方出以寅戌入以丑未一歲而周天

辰星常以二月春分見奎婁五月夏至見東井八月秋

分見角亢十一月冬至見牽牛出以辰戌入以丑未二  
旬而入晨候之東方夕候之西方一歲而周天  
晉之疆候辰星占參罰及秦并吞三晉燕代自河山呂  
南者爲陽陽則日歲星熒惑鎮星占於街南畢主之其  
西北爲陰陰則月太白辰星占於街北昴主之

卯  
上牙壘  
下地境  
圖







圖



帳

厲壇

社稷壇


廣安路  
武山亭  
縣城  
縣道  
州衙

院  
治


文廟  
縣學

先農壇

經學圖




倉廟圖



上黨書院圖

射圃



文昌閣

文昌閣

尊經閣


訓導宅

教諭宅

明倫堂

奎光閣

泮池



東寒嶺百



五龍松名



翠屏山



翠屏山



蟠龍餘慶



牙台鞞影



月夜山行



月夜山行






船  
所



船  
所




福泉



鎮池




峽洞



后佛



泉社



二  
廟



獅  
巖



圖復說  
於左

按石氏星經圖裴秀方丈圖共於天文地理亦既言之詳矣夫仰觀俯察古聖賢窮理之實功其精意之所存誠有以會夫自然之運一定之理而上律下襲之功皆從此出也又奚假夫圖形爲哉顧耳目心思之用上智者不數數觀而天光之下臨地德之上載生居其方者尙懵然不解其故亦殊有辜於覆載生成之恩今值

聖天子光華之日月奠定之山川平天成地利賴無窮相爲稽考天星規畫地勢以著文明之盛何樂如之雖

按圖而索終爲紙上陳言而規模彷彿亦畧存其大  
概子云故者以利爲本斯圖之列是亦已然之迹  
也亦未敢參以穿鑿附會之說也庶幾乎器也而道  
存形也而神寓乎哉

長治縣志卷之二

星野

知縣事沐陽吳九齡景文



蓋聞天道遠人道邇言乎星辰遠已於星而求其野  
抑又遠已雖然以人而貪天則入於妄以人而尊天  
則反其誠觀天象之休咎卜人事之盛衰其氣則息  
息相流通其機則物物相感召惠迪吉從逆凶一如  
影之隨形響之附聲上聖窮理盡性而先天弗違後  
天奉若者其道莫要於此中材守分安命而飲天之

和順天之令者其法亦本於此貴其道守其法勿墮  
於術以人合天非以人誣天也天道又豈遠哉考高  
陽氏時五星聚於營室漢高祖元年五星聚東井宋  
開寶元年五星聚奎我

朝雍正三年日月合璧五星聯珠暨我

皇上御極之乾隆二十七年正月元日五緯連貫相生不  
侵次舍而四餘前後包絡章部甫及二週而天文兩  
經呈瑞監臣奏

覽比前度爲尤昭明於時正備西陲大功底定版圖式

廓達踰二萬餘里海宇晏安年豐人壽天人符叶瑞  
應顯著矣乃

皇功益懋

聖度彌冲惟期保泰持盈上承麻美不欲以星文表異宜  
付史館恐大吏等漸以虛文誤實政洵

一人宵旰圖治之至意也易言之曰觀乎天文以察時變  
觀乎人文以化成天下志星野

周禮正義天度云西方七宿八十度

張衡云文曜麗乎天其動者有七日月五星是也日



者陽精之宗月者陰精之宗五星五行之精衆星列  
布體生於地精成於天列居錯峙各有攸屬在野象  
物在朝象官在人象神其以神差有五列焉是爲三  
十五名一居中央謂之北斗四布於方各七爲二十  
八舍日月運行歷示吉凶五緯纏次用告禍福庶物  
蠢蠢咸得繫命不然何得總而理諸後武帝時太史  
令陳卓總甘石巫咸三家著星圖大凡以爲定紀  
周禮人司徒以土宜之法辨十有二土之名物以相  
民宅而知其利害 疏案保章氏以星土辨九州之

地証云星土星所生土也又云大界則曰九州州中  
諸國之封域於星亦有分焉今其存可言者十二次  
之分大梁趙也實沈晉也鶉首秦也

左傳昭公元年后帝遷實沈於大夏王參唐人是因  
又云成王滅唐而封太叔故參爲晉星

史記天官書奎婁胃徐州昴畢冀州觜離參益州東  
井輿鬼雍州

漢地理志上黨本韓之別都也遠韓近趙後卒降趙  
皆趙分也

宋中興天文志天之有度猶地之有里也二十八宿所分之度猶九州列縣所占之里也口所躔或侈或寡適當其星者凡二十八故度之多寡於是生焉并斗之舍非無星也然不與日躔相當故其度不得不闕觜鬼之傍非無星也然日躔一二日而其星適與相當故其度不得不狹也夫其得度闕狹非舉一宿全體盡占此度也

沈氏筆談曰天本無度推算者無以寓其數乃以日所行分天爲三百六十五度有奇既分之必有物記

之然後可窺而數於是以度度之星記之循黃道日之所行一晷當者止二十八宿星而已今所謂距度星者是也

分野之說緣星而紀永常脣脣然爲之辨也我

朝今用西洋算法以分野宮度論之明算畢六度過申今算畢八度過申明算并八度過未今算并初度過未是申宮竝無并度矣且參七星伐三星共十星參原十度并止半度今法增觜爲十度而參度刪其九則在天止有參星一度耳參星雖削觜益猶附則今

晉益屬參無疑也益卽是蜀蜀與晉相隔甚遠而分野則同亦如齊魯接壤而得屬西方秦婁之分齊錫北方虛危之分中隔亥宮三十餘度宋衛接壤而衛屬北方室壁之分宋屬東方房心之分中隔燕吳齊三宮九十餘度地近而天遠之地遠而天近之其理甚微

約錄朱之俊分野辨以上援引

昔顓帝始制九州踏在冀域舜肇分十二踏隸并州漢司馬遷史記趙地昴畢之分趙分晉西有太原定襄雲中五原上黨班固漢書取三統歷十二次配十

二野下分地理上準天象學本史記曰胃七度至畢十一度爲趙分野屬冀州自危十六度至奎四度爲衛分野屬并州晉州郡躔次上黨入輿鬼二度是踏爲昴畢分地度入輿鬼胃井柳皆經緯聯絡並列一方各有占候法當附之而樞星則總攝王趙不在度數也明一統志踏爲參井分野參考躔度蓋參與畢連井與鬼連也若危室壁奎雖屬并州爲衛分野則遠不相涉矣

胃昴畢在酉趙分野春秋元命苞曰畢昴散爲冀分

爲趙晉天文志曰自胃七度至畢十一度爲大梁于  
辰在酉爲趙分野魏郡入昴一度趙郡入畢八度唐  
天文志曰初胃四度餘二千五百四十九抄中昴六  
度終畢九度自魏郡濁漳之北循漢趙國逾衆山盡  
代郡爲畢分循北河之表西盡塞垣皆髦鬲故地爲  
昴分

觜參井在申魏分野晉天文志曰自畢十二度至東  
井十五度爲實沈於辰在申爲魏分野唐天文志曰  
觜觶實沈也初畢一十度餘八百四十一抄四之一

中參七度終東井十一度自漢之河東及上黨太原  
盡西河之地設險以限秦晉上應天關

井鬼柳在未秦分野晉天文曰自東井十六度至柳  
八度爲鶉首在未爲秦分野太原入東井二十九度  
上黨入輿鬼二度唐天文志曰東井輿鬼鶉首也南  
曲之陰在晉地衆山之陽南曲之陽在秦地衆山之  
陰陰陽之氣并故與東井通河東河北及河曲皆東  
井之分上黨次居下流與趙魏接爲觜參之分故一

統志云潞州參井分野

考歷代星野之說惟太史公著論爲精漢天官書出於史記晉天文志本於漢書其分野曾無錯謬冷但於所屬郡邑以天水燉煌諸郡歸正於雍州所部以雲中上黨諸郡歸正於并州所部則躔度地里上下脗合矣

考古分野雁門入井十六度太原入井二十九度上黨入鬼度去農入柳一度俱在未分今以

乾隆甲子較之量天尺考之胃初度至十二度昴初度一度在酉分昴二度至十三度參初度一度

初度至八度在申分紫九度至十一度井初度至二十六度終未分準之

康熙甲子尺數較速一度按井宿三十三度有奇是二十七八度已入午分又安有與鬼度在未乎豈推測者故有古今之異要亦天之運行遲速有殊也夫唐虞時晝夜百刻而今之

時憲書計九十六刻誰敢議其訛者此固其明效大驗矣天之高也求其故可坐致也天之神也妙萬物而爲言也豈得膠於一法謂能擬議以神其變化哉

評曰一星所臨亦有數地一地所戴亦有數星合而考之不病其紛紛而稽之不疑於執隨其所處而所占不同任其所之而所見有定是在窮理者之仰觀而有會焉非口舌所能盡言筆墨所能盡載也然即諸家之說參之已然之迹亦足以見地德之上載必有天光以下臨知天之學豈非修身之切要歟

以上論經

星分野

開陽從樞主趙分春秋緯文耀鉤太行至碣石王屋底柱冀州屬樞星晉天文志曰魁第一星曰天樞二

曰璇三曰璣四曰權五曰玉衡六曰開陽七曰搖光

石氏云一主秦二主楚三主梁四主吳五主燕六主

趙

山西通志亦引石氏說云五主趙六主燕今依郡志所錄

七主齊冀爲趙分野

路乃冀域也唐天文志曰一行以天下山河之象存乎兩戒比戒自三危積石負終南地絡之陰東及太華逾河井雷首底柱王屋太行北抵常山之右乃東循塞垣至濊貊朝鮮是謂北紀所以限戎狄也南戒自岷山嶓冢負地絡之陽東及太華連商山熊耳自上洛南逾江漢至于衡陽乃東循嶺徼達東甌閩中

評曰一星所臨亦有數地一地所戴亦有數星合而考之不病其紛分而稽之不疑於執隨其所處而所占不同任其所之而所見有定是在窮理者之仰觀而有會焉非口舌所能盡言筆墨所能盡載也然則諸家之說參之已然之迹亦足以見地德之上載必有天光以下臨知天之學豈非修身之切要歟

以上論經

星分野

開陽從樞主趙分春秋緯文耀鉤太行至碣石王屋底柱冀州屬棉星晉天文志曰魁第一星曰天樞二

曰璇三曰璣四曰權五曰玉衡六曰開陽七曰搖光

石氏云一主秦二主楚三主梁四主吳五主燕六主

趙

山西通志亦引石氏說云五主趙六主燕今依郡志所錄

七主齊冀爲趙分野

路乃冀域也唐天文志曰一行以天下山河之衆存

乎兩戒比戒自三危積石負終南地絡之陰東及太

華逾河井雷首底柱王屋太行北抵常山之右乃東

循塞垣至濊貊朝鮮是謂北紀所以限戎狄也南戒

自岷山蟠冢負地絡之陽東及太華連商山熊耳自

上洛南逾江漢至于衡陽乃東循嶺徼達東甌閩中

是謂南紀所以限蠻夷也故星傳謂北戒爲胡門南戒爲越門河源自北紀之首循雍州北徼達華陰與地絡相會並行而東至太行之曲分而東流與涇渭濟瀆相爲表裏謂之北河江源自南紀之首循梁州南徼達華陽與地絡相會並行而東及荆山之陽分而東流與漢水淮瀆相爲表裏謂之南河觀兩河之象與雲漢之所終始而分野可知矣兩河雲漢則隨樞幹轉故樞爲天之中極也

天市垣二十二星在房心東北主權衡主聚散一曰

天旗庭市中星衆潤澤則歲實市樓六星在市中臨箕星之上主司闡闡明則吉隋志市樓者市府也主市價律度其陽爲金錢其陰爲珠玉夢見各以所主占之車肆二星在天市垣南門之內主車駕隋志主衆賈之區宗正二星在帝坐東主宗大夫也明則宗室有秩宗人四星在宗正東主錄親疏享祀如綺而明正族人有序宗星二星在宗人東北候星之東宗室之象帛度二星在宗室星東北主度量明則尺量平商人不欺筭肆二星在帛度東北主烹宰候一星



在帝坐東北主伺陰陽也細微則國安居常則吉帝  
座一星在天市中侯星西天庭也光而潤則天子吉  
威令行一曰神農所居官者四星在帝坐西南帝傍  
之闍人也星微則吉其占與勢星同列肆二星在斛  
西北主寶玉之貨斗五星在宦者西南主平量覆則  
歲熟明暗與帛度同斛四星在市樓北亦曰天斛王  
量者也占與斗同

蘇伯衡論分野天有三垣紫微太微天市是也紫微  
太微皆將相輔佐之位而下市下垣則列國星宿之

所在其星東西二十有二宋南海燕東海徐吳越齊  
中山越九河魏韓楚梁巴蜀秦鄭河中河間晉周曰  
分野者指列星所屬之分而言鄭氏謂星所主土是  
也其國在此而星則在彼彼此若不相配而其爲象  
未嘗不相屬非地之在北者其分野在天亦居北也  
地之在南者其分野在天亦居南也

女十一度下九尺爲日月中道天之少府也謂之須  
女主婦女之位星明天下豐女功昌十二國有十六  
星齊一星在九坎之東齊北二星曰趙嬀北一星曰

鄭鄭北一星曰越越東二星曰周周東南北列二星  
曰秦秦南二星曰代代西一星曰晉晉北一星曰韓  
韓北一星曰魏魏西一星曰楚楚南一星曰燕其星  
有變各以其國占之

牛女之下十二諸侯之星也說者以爲天之所覆者  
廣華夏止宜占此其星有變各以其國當之大同三  
關屬趙蔚及諸邑屬代或問旣占分野何以復占國  
星曰衆星者萬物之精質具於地而氣行於天分野  
者周五之次舍懸象於上而宗法於下考一國之休

咎則國星是稽察諸變之變犯則分野必變蓋並行  
也

太白屬金西方之星也辰星屬水北方之星也而三  
晉與焉讀漢志注曰辰星主常山主冀幽并太白主  
奎婁胃昴畢觜參唐書曰實沈以負西海其神主於  
華山太白位焉大梁以負北海其神主於桓山星辰  
位焉燕齊候辰星占虛危晉亦候辰星占參罰雖其  
說微有不同而西方金位北方水位則固不易之論  
也 以上論星主

拾遺云參井貴州及貴州宣慰司皆參井分野與潞安同雲南亦井鬼分野亦有潞江產人參且一州郡言語飲食畧與潞同豈天氣同而人事亦因以同乎及覽徐整長算云北斗七星每星間去九千里其二陰星相去八千里觀北斗而參井可知潞滇黔同照無疑矣

附諸星 中台下星主冀 若慧星太白所生也生畢宿中 竹慧星太白所生也主昴宿中見以庚寅有兩白方在旁

史遷曰德隆則晷星星隆則晷德昔武王祭畢而十戈載戢宣王北伐而昴宿斯著魯僖公二十四年歲星入實沈之次晉文公卽位惟邁德以亮工序事而修政則七曜順軌百祥併集蓋自然之應也

長治縣志卷之三

知縣事沐陽吳九齡景文甫脩輯

沿革

古今之治繁簡不同而沿革其大要也上黨在唐虞時屬畿內春秋黎潞迭侵至秦罷侯置守郡治無常或隸壺關或隸長子或隸潞城自晉移郡於今治置上黨縣卽今長治也寔始割壺關及長子地然而旋當割據規模參差矣後周時又廢郡縣置州歷唐宋五代兵戈擾攘建置不一大抵逆縣治者必自潞州

陞府始元和通典曰凡言地理者在辨區域徵囚革知要害察風土是知沿革所經卽可以考政治之得失山右爲

神京右臂而上黨踞崇山峻嶺中稱巨鎮焉有明中葉青羊寇陳卿搆逆猥以潢池綠林之奴幾成斬木揭竿之變集三省兵始克蕩平於是廷臣條議遣兵科夏公言按潞區處善後事乃改州爲府建邑附郭爰有長治之名我

國家金甌底定沿所當沿革所當革制度之善趨軼于

古早已立億萬年久安長治之規矣而歷代沿革亦有宜參稽互考者用是考覈杜氏通典文獻通考及山西通志木府舊志臚列如左庶少贊夏官職方氏之典焉志沿革

地表

世代

總部

郡國

縣

唐

冀州

虞

并州

夏

冀州

商	周								
冀州	并州								
黎國	黎國 <small>赤狄李之爲潞</small>	潞國	晉國 <small>晉滅潞</small>	韓國	趙國 <small>馮亭以上黨歸趙</small>	上黨郡	上黨郡	上黨郡	上黨郡
							上黨		

魏	晉	北魏							
并州	并州	并州							
上黨郡	上黨郡	上黨郡	武鄉郡	襄垣郡	上黨郡	潞州	韓州	上黨郡	上黨郡
								上黨 <small>開皇初置</small>	

晉

三

唐	河東道	潞州	大都督府	昭義軍	上黨
五代梁		潞州	巨義軍		
後唐		潞州	安義軍		
後晉漢周		潞州	昭義軍		
宋	河東路	隆德府	昭德軍節度	上黨	
金	河東南路	潞州		上黨	
元	河東山西道	晉寧路潞州		上黨	
明	山西布政司	潞州	嘉靖七年置潞安府	長治	嘉靖十年置
國朝	山西布政司	潞安府		長治	

唐冀州之域虞并州之分夏禹貢冀州分

商為黎國郡南有黎侯嶺黎水黎嶺村商書注云西伯戡黎即此

周為黎國春秋時赤狄奪之逐黎侯為潞子國晉滅嬰兒仍立黎侯後屬晉戰國時為韓別都秦拔野王上黨道絕馮亭以上黨歸趙有城市邑十七

秦置上黨郡治壺關城

漢為上黨郡或治長子城或治壺關城漢志壺關有黎亭而

上黨舊地遙隸焉

晉上黨郡治潞縣石勒分上黨置武鄉郡舊地或為

所領慕容備時上黨郡治安民城

即今後徙壺關破城

北魏真君中復上黨郡治太和十三年復置壺關縣後周置潞州彙置上黨郡於此

隋開皇初上黨郡廢始置上黨縣大業初復置郡廢

壺關縣入焉

舊唐志隋析壺關置上黨縣

上黨縣即今故縣村

唐武德元年改爲潞州隸河東道四年又析置壺關縣正觀元年置都督府天寶元年改爲上黨郡乾元元年仍爲潞州都督府治上黨縣建中初徙昭義節度於潞州遂稱昭義軍

五代梁末帝時屬梁改曰匡義後唐改曰安義晉復曰昭義軍

宋太平興國初改昭德軍崇寧三年陞隆德府爲府治隸河東路

金改潞州爲州治隸河東南路

元初改隆德府爲府治隸河東山西道太宗三年復名潞州隸晉寧路至元三年併錄事司入焉

明初省上黨縣入州爲潞州治洪武九年直隸山西布政司嘉靖七年青羊蕩平從廷臣議陞潞州爲潞



安府遺科臣夏言條議措置十年置長治縣

國朝因之爲八邑首領焉

附潞志拾遺

兩上黨秦母恢見魏王口秦悉塞外之兵與周之象以攻南陽而兩上黨絕矣樊餘謂楚王曰韓兼兩上黨以臨趙卽趙羊腸以上危玉海注戰國策所謂兩上黨者蓋在韓趙之間猶安邑魏地而云取韓安邑也

上地荀子曰韓之上地方數百里而趙趙不能窺

也故秦奪之玉海注上地上黨之地也

舊志姜西巖曰嘗考古今因革之宜所關匪眇其間綢繆善計連臂指於方區控犬牙於四塞察妖祥於分野辨界限於里疆審戰守於形勝覽靈秀於山河存乎其人耳乃承平日久政治之廢興風俗之器淳今昔殊異所賴挽頽習而扶進古風余與後之君子咸有責焉

25091



